



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmmma Bvllarii Earvmve Svmmorvm Pontificvm
Constitvtionvm Qvae Ad Commvnem Ecclesiae Vsvm post
volumina Iuris Canonici, vsq[ue] ad Sanctissimum D. N.
D. Pavlvn Papam V. emanarunt**

Quaranta, Stefano

Venetiis, 1619

Confraternitates.

urn:nbn:de:hbz:466:1-10793

† ego Andreas Card. Battorius,
† Ego A. Card. Montaltus.

Tho. Thom. Gualterutius.

Registrata apud eundem Thomam secretarium.

Anno a Natiuitate Domini, Millesimo, quingentesimo octuagesimo sexto, Indictione decimaquarta, die vero decimatertia Mensis Decembris, Pontificatus Sanctissimi Domini Nostri, Domini Sixti diuina prouidentia Papæ Quinti, anno secundo. Retroscriptæ literæ lectæ, affixæ, & publicatæ fuerunt, & per aliquod temporis spacium dimissæ in portis, seu ualuis Basilicarum, S. Ioannis Lateranensis, & Sancti Petri Principis Apostolorum de Vrbe, nec non Cancellariæ Apostolicæ, & aciei Campi Floræ, per nos Io. Freile, & Octauium Taglietum, Sanctissimi Domini Nostri Papæ Curf.

Alex. Parabiachus Mag. Curf.

CONFRATERNITATES.

SCIENDVM est, quod super modo, & forma per quosunque Regulares Ordines, Religiones instituta seu Archiconfraternitates, & Congregationes secularium, tam Urbis, quam aliarum Ciuitatum, & locorum, in Ereccionibus, Institutionibus, & Aggregationibus Confraternitatum, & Congregationum, & communicationibus Priuilegiorum, Indulgentiarum, Facultatum, aliarumque spiritualium gratiarum, & Indulcorum eiusdem Confraternitatis, & Congregationibus faciendis in posterum obseruanda, edita fuit a Sanctissimo D. N. D. Clemente Diuina prouidentia Papa VIII. publicata Romæ die 24. Decembris. 1604. tenoris sequentis.

Clem. 8.
Cognit
ti. de pri
uile. Sem
do pæni.
& re-
missio.

Quacunque a Sede Apostolica ad promouendam Christi fidelium salutem aliquando concessa sunt, & si ea maturo consilio, magnaue prudentia, & cautione sancita, & decreta sint; tamen cum Romanus Pontifex de animarum salute sollicitus progressu temporis animaduertit sensim aliquos abusus in eisdem statutis, & decretis obseruandis prouenire; debet pro sui Pastoralis officij munere illis opportuna ratione occurrere, & quantum cum Domino potest, adhibito salutari remedio prouidere. Cum itaque a pluribus Romanis Pontificibus Prædecessoribus nostris, & forsan etiam a nobis nonnullis Regularibus Ordinibus, Religionibus, & institutis ac etiam Christi fidelium secularium Archiconfraternitatibus, & Congregationibus diuersarum nationum, nominum, & institutorum, tam in Alma Vrbe nostra quam in alijs Ciuitatibus, & locis Christiani, Orbis institutis, facultas erigendi in eorum, & alijs Ecclesijs, & Collegijs, nec non etiam sibi aggregandi Confraternitates, & Congregationes in eadem Vrbe, & in alijs eis existentes, eisque priuilegia, Indulgentias, facultates, aliasque spirituales gratias, & indulta sibi concessa respectiue communicandi attributa fuerit, ac nulla certa forma, vel ratio præscripta sit, quæ in huiusmodi ereccionibus, institutionibus, aggregationibus, & communicationibus faciendis seruari debeat; propterea siue negligentia Superiorum Ordinum Religionum, & institutorum, vel officialium Archiconfraternitatum, & Congre-

Congregationū erigentium, instituentium, aggregantium, & cōmunicatū, quæ Confraternitatib; & Congregationib; erigendis instituendis & aggregandis, & quib; communicationes priuilegiorum, indulgentiarū, aliarumq; gratiarum prædictarū fiunt, non seruant formam in huiusmodi erectionibus, institutionib; aggregationib; & communicationibus seruari debitam, neq; præscribunt modum, quæ priuilegia, indulgentias, facultates, aliasq; spirituales gratias, indulta prædicta cōsequi debeant, seu ipsarū Confraternitatū, & Congregationum incuria, quæ nō inquirūt ea, quæ præstare oportet, ut illa consequantur, nonnullæ prauæ cōsuetudines irrepsērūt, multæq; incommoda inde prouenerunt, quib; Nos pro commissō Nobis Apostolica sollicitudinis officio, paternaque erga omnes Christi fideles charitate prospicere uolentes, hac nostra Cōstitutione perpetuo ualitura decernimus, atq; statuimus ut in posterum tā huius Almae Urbis nostræ, quam aliarū Ciuitatum, & locorum totius Christiani Orbis Regulariū Ordinum, Religionū, & Institutorum, quib; in eorū, & quibuscunq; alijs Ecclesijs, & Collegijs, Confraternitate secularium erigendi, & instituendi facultas concessa est, nec non etiam Archiconfraternitatū, & Congregationū cuiusuis nationis, nominis, & instituti illæ sint, & in quibuscunq; Ecclesijs Domibus, & Oratorijs, tam secularium, quam ut præfertur quorumcūque, etiā Mendicantium Ordinum, Religionum, & Institutorum Regularium quauis tam Ordinaria, quā Apostolica auctoritate erecta ac instituta existāt, seu alias quouis modo introductæ reperiantur, quibus alias Confraternitates, & Congregationes instituendi, erigendi, ac sibi aggregandi, illisq; priuilegia, indulgentias, facultates, aliasque spirituales gratias, & indulta prædicta elargiendi & cōmunicādi potestas a Romanis Pontificib; Prædecessorib; nostris, uel a Nobis, & Apostol. Sede attributa fuit, Magistri, Priores, Præpositi, Rectores, Governatores, Præceptores, Primicerij, Prælati, Custodes, Guardiani, Præfecti, Administratores, & alij Officiales seu Superiores quouis modo nūcupati, Regulariū siquidem Ordinū, Religionū, & Institutorum unā tantū Confraternitatē & Congregationem, de consensu tamen Ordinarii loci, & cū literis eius testimonialib; quib; Cōfraternitatis, & Cōgregationis erigēdæ, & instituēdæ pietas, & Christianæ charitatis officia, quæ exercere cupit, apud eos commendetur, in eorum, & quibuscūque alijs Ecclesijs, & Collegijs erigere, & instituere, ceterarū uero Archicōfraternitatū, & Cōgregationū in singulis Ciuitatib; oppidis, uel locis unā etiā Cōfraternitatē & Cōgregationē dūtaxat, q̄ Apostolica, uel Ordinaria auctoritate prius erecta nulli alteri Ordini, Religioni, Instituto, Archicōfraternitati, & Congregationi eiusdē, uel alterius nationis, nominis, & instituti aggregata sit prauio similiter loci Ordinarii consensu, & cū eius literis testimonialib; quib; eiusdē Confraternitatis, & Congregationis aggregandæ institutum, pietas, & Christianæ charitatis officia, quæ exercere consuevit, apud eos commendetur sibi adiungere, & aggregare possint: Huic uero Cōfraternitati, & Congregationi erigēdæ, instituēdæ, seu aggregandæ ea tantū priuilegio, indulgentias, facultates, aliasque spirituales gratias, & indulta quæ ipsi Ordini, Religioni, Instituto erigenti instituenti, ac cōmunicati, seu Archiconfraternitati & Congregationi aggreganti nominatim, & in specie, non autem quæ per extensionem, uel communicationem sibi quouis modo concessa sunt, & illa quidem nō sub generali forma uerborū, uel ad instar, sed expresse, & in specie cōmunicare ualeant. Statuta autem pro regimine Ordinum, Religionum, & institutorum erigentium, & instituentium, ac cōmunicantium, seu Archiconfraternitatum, & congregationum aggregantium, edita confraternitatibus, & Congregationibus erigendis, instituendis, & aggregandis & quibus communicationes priuilegiorum, & aliorum prædictorum sunt impar-

tiri non possint, nisi ea prius ab Episcopo Diocesano examinata, & pro ratione loci approbata fuerint, quæ nihilominus eiusdem Episcopi decretis, ac moderationi, & correctioni in omnibus semper subiecta remaneant. Insuper volumus, & ordinamus, ut prædicti Ordines, Religiones, Instituta erigenda, instituentia ac cõcantia, nec non Archiconfraternitates, & Congregationes aggregantes etiã erigendi instituendi aggregandi, & cõmunicandi formulam a Nobis nominatim approbatã diligenter obseruent, secundum quã priuilegia indulgentias, facultates, aliasq; spirituales gratias, & indulta ipsi Ordinibus, Religionibus, Institutis erigentibus, instituentibus, & cõmunicantibus seu Archiconfraternitatibus, & Congregationibus aggregantibus, nominatim, & expresse, non autem per cõmunicationem, neque ad instar, ut supra concessa ipsi Confraternitatibus, & Congregationibus erigendis instituentibus, & aggregandis, & quibus cõmunicationes fiunt cõmunicare possint, quibus Confraternitates, & Congregationes eiusdem duntaxat nationis, & nominis, Ordinis, Religionis, & Instituti Archiconfraternitatis, & Congregationis cui aggregantur, tã hæctenus aggregata quam in posterum aggreganda vtãtur potiantur, & gaudeant, ita ut dictarum Confraternitatum, & Congregationum erectarum, institutarum, & aggregatarum, ac quibus cõmunicationes factæ sunt, Ministri, & officiales, & alij supradicti priuilegia, indulgentias, facultates, aliasque spirituales gratias, & indulta huiusmodi præuia tamen recognitione Ordinarij loci, qui adhibitis duobus de eiusdem Ecclesiæ Capitulo, illa iuxta Sacri Concilij Trid. decretum promulganda desernat, debitis temporibus promulgare valeant, quibus etiam Ministri, Officialibus, & alijs prædictis elemosynas, & alia oblata Christianæ charitatis subsidia, iuxta modum, formam per Ordinarium loci præscribendam, remotis tamen mensis, peluib; & capsis, quæ in Ecclesijs, & Oratorijs dictarum Confraternitatum, & Congregationum publicè ad hoc exponi consueuerunt, excipiendi potestas detur. Atque hoc ipsum Ordines, Religiones, Instituta erigenda, instituentia, ac cõmunicatio, seu Archiconfraternitates, & Congregationes aggregantes tã Alme Vrbs nostræ, quã aliarum Ciuitatum, & locorum quorumcumq; iuxta modum a Vicario Vrbs, & ab Ordinarijs locorum respectiue præscribendũ, obseruare teneatur. Elemosynas autem sic collectas in reparatione, & ornatu Ecclesiarum, tã Ordinũ, Religionũ, Institutũ erigentũ instituentũ, & cõcantũ ac Archiconfraternũ & Congregationum aggregantium quam Confraternitatum, & Congregationum erigendarum, instituentiarum, & aggregandarum, & quibus cõmunicationes fiunt, aut in alios earum pios vsus arbitrio eiusdem Vicarij nostri in Vrbe, nec nõ Ordinariorum locorum, respectiue fideliter exponere, atq; erogare procurent, vt omnes intelligant celestes Ecclesiæ thesauros, non quæstus, aut alicuius lucri causa, sed pietatis, & charitatis excitada gratia, ex Apostolica Sedis benignitate, Christi fidelibus, aperiri. Præterea volumus, vt Confessarij qui vigore priuilegiorũ ipsi Ordinibus, Religionibus, Institutis erigentibus instituentibus, & cõmunicantibus seu Archiconfraternitatibus, & Congregationibus aggregantibus, cõcessorũ, ac Cõfraternitatibus, & Congregationibus aggregandis cõmunicandorũ pro tempore eligi possint, & potuerunt seculari, s. in Alma Vrbe a prædicto nostro Vicario, extra Urbem vero a locorũ Ordinarijs; Regulares autem nõ solũ a prædicto Vicario nostro, & a locorum Ordinarijs, respectiue, sed etiam a suis superioribus approbati sint; vtique Confratres cõfiterentes a criminibus, casibus, & censuris, iuxta dictorum priuilegiorũ (quatenus tamen sint in vsu, & sacris Concilij Tridentini decretis, ac Romanorum Pontificum, prædecessorum nostrorum, & nostris constitutionibus non aduersentur, nec reuocata aut sub aliquibus reuocantibus comprehensa sint) formam, & tenorem duntaxat absolueri valeant.

Sezevi.
de reso.
& fin.

Cognit.
tit. de
pan. &
remis.
& uide
supra
fol. 147.

Decer-

Decernimus insuper, vt iisdem Confessarij predictos Confratres cuiuscunq; gradus, status, conditionis, & præeminentia et si speciali nota digna fuerint, a casib; contētis in literis, qua die Coena Domini legi consueuerunt, nec non violationis, immunitatis, & libertatis Ecclesiasticae, & clausurae Monasteriorum Monialium si videlicet sine necessaria, & vrgenti causa, ac sine superiorum licentia, vel eo si causa, & licentia concessa abutentes, predicta Monasteria ingressi fuerint, nec non violenta manus iniectio in Clericum & singularis certaminis seu duelli, ac ab alijs et casib; tam a Nobis, quam a predicto nostro in Vrbe Vicario, & locorum Ordinarijs respectiue reseruatis & pro tempore reseruandis, & et a quauis excoicatione, ab homine lata absolueret, & super irregularitatib; tam ex aliquo defectu prouenientib; quam occasione delicti contractis cum aliquo dispensare prætextu dictorum privilegiorum nullo modo possint. Demum statuimus & pariter ordinamus, vt Confraternitates, & Congregationes vbilibet locorum, quauis auctoritate, vt præfertur, erectæ, & institutæ, quibus communicationes predictæ factæ sunt, ac cuiuscunq; ex dictis Ordinibus, Religionib; Institutis, Archiconfraternitatib; & Congregationib; vbilibet existentib; hæctenus aggregatæ ab eisdem respectiue Ordinib; Religionib; Institutis, Archiconfraternitatib; & Congregationib; nouas erectionum institutionum, communicationum, & aggregationum literas, iuxta formā a Nobis nouissime approbatā infra annum si in Europa sint, & extra Europam fuerint, infra biennium a die publicationis presentium in Romana Curia faciendā computandos impetrare teneantur: alioquin dicto tempore elapso, erectiones, institutiones, & quacunq; communicationes privilegiorum, facultatum, indulgentiarū, aliorumq; spiritualium gratiarū & indultorum, & aggregationes illarum vigore ipsi concessa nullius sint roboris & momenti, ac reuocata, & abolita ceaseantur eo ipso Erectionum aut institutionum, communicationum, & aggregationum, tam hæctenus factarum, quam deinceps faciendarum literæ ab ipsis Ordinib; Religionib; Institutis, seu Archiconfraternitatib; & Congregationib; gratis omnino, ac nulla prorsus mercede, et a sponte datib; accepta expediri, & concedi debeant. Quod si Ministri aliqui superiores, vel officiales quocunq; nomine nuncupati Ordinum, Religionum, Institutionum, seu Archiconfraternitatum, & Confraternitatum huiusmodi quauis auctoritate, vel privilegio, & officio fungantur, & præfulgeant, cōtra præmissa in aliquo venire, vel facere præsumperint, Erectiones, institutiones, & communicationes privilegiorum, indulgentiarum facultatum, spiritualiumque gratiarum, & indultorum, aliorumque præmissorum concessiones, nec non aggregationes per ipsos factæ seu renouandæ nullius sint roboris, & momenti, & quilibet eorundem Ministrorum, Superiorum, Officialium, & aliorum predictorum priuationis officiorum, quæ obrinet, ac inhabilitatis ad illa, & alia in posterum obtinenda penam, quæ ab alio quam a Nobis, vel Rom. Pont. pro tempore existente remitti non possit, incurrat eo ipso. Decernentes presentes literas perpetuo validas, & efficaces existere & fore, ab oib; & singulis ad quos spectat, inuolabiliter obseruari debere, si que nostre mentis, & intentionis existere, & ita & non aliter per quoscunq; Iudices, & c. Nō obstantib; & c. Vt autē presentes literas ad omnium, quos concernunt, notitiam facilius deueniant, volumus illas ad Valuas Basilicarum S. Io. Lateran. & Principis Apostolorum de Vrbe, & in Acie Campi Flora, more solito publicari, & affigi atque iis inde amotis, earundem exēpla et impressa ibi affixa relinqui, factaq; publicatione huiusmodi oēs Regulares Ordines, Religiones Instituta, & Archiconfraternitates, Congregationes, & Confraternitates seculari, quæ in Vrbe quidem post mensem, quæ vero in Europa, post sex menses, quæ demū extra Europam, post

decem menses a die publicationis huiusmodi computandos perinde afficere, & extare, ac si earū cuilibet nominatim insinuat & fuissent. Et nihilominus, ut ipsæ præsententes literæ notoriæ fiant, magisq; omnib; innotescant, vniuersis & singulis Venerabilib; fratrib; Patriarchis, Primatib; Archiepiscopis Episcopis, & alijs locorū Ordinaris per easdem præsententes committimus, & mandamus, ut per se, vel alijs, seu alios hæc nostras literas postquam earum exemplum receperint seu earū notitiam habuerint semel, aut pluries, prout eis magis expedire visum fuerit, in suis Cathedralibus, & maioribus respectiue Ecclesijs Ciuitatum, oppidorū, & locorū quorūcumq; eorū Diocesum, dū in eis maior populi multitudo ad Diuina conuenerit, solēniter publicet, & publicari auctoritate nostra mādēt, ac faciāt Ceterum quia &c.

De confraternitatibus vide etiam in verbo præcedentia.

Hodie vero huiusmodi aggregationes & institutiones fiunt cum inserto tenore Breuis Apostolici & inter alias pono infra scriptam videlicet, Nos frater Ludovicus Ystella Valentinus S. T. Professor, & totius Prædicatorum ordinis Vicarius Generalis, vniuersis præsententes literas inspecturis salutem in Domino sempiternā Religio nostra cum inter alia priuilegia quib; a Sancta Sede Apost. decorata est facultatem habeat secularium confraternitates sub inuocatione Sanctiss. Rosarij erigendi, eisq; spirituales gratias, priuilegia, & indulgentias comunicandi in huiusmodi confraternitatib; instituendis, si ad Christi fidelium salutē promouendā expedire animaduertit liberalem sese præbere consuevit. Nos igitur qui generalē totius ordinis ipsius curam gerimus, sperantes fore ut ex hac spiritualium gratiarū participatione, Christi fideles ad deuotionem & pietatem magis excitentur, auctoritate nobis a Summi Pont. concessa Confraternitatē Sanctiss. Rosarij in ecclesia N. loci N. Diocesis N. de consensu loci ordinarii, qui eiusdem confraternitatis institutum, pietatem, ac religionē literis patentibus nobis nuper exhibitis cōmendauit, dummodo tamen alia similis in ipso, vel alio ad tria miliaria propinquo loco hæcenus erecta non fuerit, per præsententes nostras literas institumus, illique, & pro tempore existentib; vtriusq; sexus confraternitatib; elargimur, & comunicamus Indulgentias, priuilegia, & spirituales gratias sigillatim inferius descriptas, nostrisq; primariæ confraternitati S. Mariæ super Mineruā, nominatim, expresse, & præcise per Breue S. D. N. Pauli Papæ V. tenoris sequentis concessas. Paulus PP. V. ad perpetuam rei memoriam. Cum certas vnicuiq; confraternitati indulgentias, & gratias spirituales, quib; de cetero fruatur, duxerimus adferibendas. Idcirco Nos Omnes, & singulas indulgentias, & peccatorum remissiones, & penitentiarum relaxationes Confraternitati Sanctiss. Rosarij in ecclesia B. Mariæ supra Mineruā de Vrbe Ordinis Fratrum Prædicatorum, aut in quibusuis alijs ecclesijs & locis instituta, & illius confratribus, & sororib; hæcenus per quoscunq; Rom. Pont. prædecessores nostros concessas reuocantes, & annullantes, ac nullius roboris, & momenti in posterum fore declarantes De omnipotentis Dei misericordia, ac Beatorum Petri, & Pauli Apostolorum eius auctoritate cōfici omnib; vtriusque sexus Christi fidelibus, qui dictam confraternitatem de cetero ingrediuntur die primo eorū ingressus, si vere penitentes, & confessi Sanctiss. Eucharistiæ Sacramentū sumpserint plenariā, ac tã ipsis pro tpe describēdis, q̄ iā descriptis in dicta cōfraternitate cōfratrib; & sororib; et vere penitentib; & confessis, ac sacra cōmunionē refectis, qui Altare SS. Rosarij in eius festo principali prima Dominica mensis Octobris celebrari solito, a primis vespers, vsq; ad occasum Solis diei eius festi singulis annis deuote visitauerint, & ibi pro Christianorum principum concordia, hæcensum extirpatione, ac sanctæ matris ecclesiæ exaltatione pias ad Deum preces effuderint, et plenariā in mortis quoq; arti-

culo eisdem confratribus, & conforibus, qui penitentes, & confessi, ac Sanctissima Communione refecti, Nomen I E S V ore, si potuerint, sin autē corde deuote inuocauerint, & a nimam suam Deo commendauerint plenariam similiter omnium peccatorum suorum indulgentiam, & remissionem misericorditer in Domino concedimus, qui vero similiter penitentes, & confessi, ac Sacra Cōmunionē refecti prae dictorum Altare Sanctiss. Rosarij in Natiuitatis, Annunciationis, Purificationis, & Assumptionis B. Mariae Virginis festiuitatibus singulis annis uisitaauerint, & orauerint, ut praefertur, quo die festiuitatum huiusmodi id egerint, decem annos & totidem quadragenas. Insuper praefatis utriusque sexus confratrib. qui qualibet hebdomada Rosarium, aut totum in simul, vel diuisum in tribus partibus quindecim mysteria ipsius Rosarij contemplando, quindecim annos, qui uero totum Rosarium recitauerint, triginta annos & totidem quadragenas, nec non eisdem cōfratrib. & conforib. similiter penitentib. & confessis, ac sacra communione refectis, qui processioni in qualibet prima Dominica mensis per dictam confraternitatem fieri solitae interfecerint, & ibi ut praefertur orauerint, triginta annos, & totidem quadragenas, iis uero, qui cōfessi non fuerint, dummodo contriti animum confitendi debito tēpore habuerint, ducentos dies, nec non qui sabathi, aut festis diebus Antiphona Salue Regina tempore completorij, aut Litanij B. Mariae quolibet sabathi, & uigilij, & festiuitatib. eiusdem B. Mariae ante praedictum Altare Rosarij recitari solitis et interfuerint, pro qualibet uice ducentos dies, quoties uero Missis in ecclesia uel Altare Rosarij, seu oratorio dictae confraternitatis pro tēpore celebrandis, & recitandis, seu congregationibus publicis, uel priuatis eiusdem confraternitatis, ubiuis faciendis interfuerint, dictumq; Sanctiss. Eucharistiae Sacramentū, quādo tam in processionibus, quam ad infirmos, aut alias quocunq; aut quādocunq; pro tempore deferretur comitati fuerint, aut ad hoc impediti, campana ad hoc signo dato, semel orationē Dominicam, & toties salutationē angelicam pro infirmo dixerint, aut processionib. extraordinarijs eiusdem confraternitatis, aut aliarū quarūuis aliarum de licentia Vicarij nostri, & ordinarij loci, respectiue faciendis, uel defunctorū ex quib; interfuerint, aut infirmos uisitaauerint, eisq; in eorū necessitatibus auxiliati fuerint, uel pauperes hospicio susceperint, aut elemosynas illis dederint, & opē tulerint, uel pacem cum inimicis proprijs uel alienis composuerint, uel compon fecerint, uel procurauerint, aut quinquies Orationem Dominicam & toties salutationem angelicam pro animabus defunctorū confratrum, & confororum dictae confraternitatis recitauerint, aut impetentes ad uiam salutis reducerint, & ignorantes praecipua Del, & ea, quae ad salutē sunt docuerint, aut quocunq; aliud pietatis, uel charitatis opus exerceuerint, toties pro quolibet praedictorum operum priorum centum dies de iniunctis eis, seu alias quomodolibet debitis penitentis in forma ecclesiae consueta relaxamus, & in super eisdem confratrib. qui legitime impediti, infirmi nimirum, nauigantes, & iter facientes ad ecclesiam accedere nequierint, concedimus, & indulgemus, ut eo die huiusmodi causa impediti, tertiam partem Rosarij recitantes, easdem indulgentias consequi possint, quas consequuntur si praedicta omnia in ecclesia adimplerent, ac dilecto filio moderno, & pro tempore, existenti Magistro Generali dicti ordinis Praedicatorum, & in sua absentia eius vicario in urbe cōmoranti, ut ubiq; locorum extra urbē cōfraternitates Rosarij erigere, & instituere, illisque oēs praedictas indulgentias, & gratias spirituales (seruata tñ forma praescripta in constitutione eiusdem Clementis praedecessoris super dictarū cōfraternitatum aggregationib. & institutionib. edita)

communicare similiter libere, & licite possit, & valeat Auctoritate Apostolica tenere presentium facultatem concedimus, & impartimus, non obstantibus constitutionibus, & ordinationibus Apostolicis, ceterisque contrariis quibuscunque, presentibus perpetuis futuris temporibus valituris. Datum Romæ apud Sanctum Petrum sub annulo piscatoris Nouembrii 1606. Pontificatus nostri anno secundo, quibus omnibus Indulgentiis, & spiritualibus gratiis sigillatim descriptis confraternitatem ipsam nunc erectam eiusque contractus potiri, & gaudere posse decernimus, iuxta felic. rec. Clementis Papæ VIII. constitutionem sequentem.

Clemens Papa VIII. ad perpetuam rei memoriam, quæcumque a Sede Apostolica ad promouendam Christi fidelium salutem, & reliqua vt supra fuerunt relata in principio huius verbi confraternitates.

CONTRACTVS AD CAPVT SALVVM.

PRÆTER Summissas in verbo vsura, sciendum est Sixtum V. edidisse Constitutionem super contractibus societatum ad caput saluum, vel alia pacta illicita continentibus, & quomodo in posterum iniri debeant, vt patet ex eius Constitutione publicata Romæ die 25. Octobris 1586. fol. 154. in Bullar. incip. Detestabilis auaritia in gluuies & infra.

Hac nostra perpetuo valitura Constitutione damnamus, & reprobamus omnes, & quoscunque contractus, conventiones, & pactiones, post hac ineundos seu ineundas per quos, seu quas cauebitur personis pecunias, animalia, aut quaslibet alias res societatis nomine tradentibus, vt etiam si fortuito casu quamlibet iacturam, damnum, aut amissionem sequi contingat, fors ipsa seu capitale semper saluum sit, & integrum a socio recipiente restituatur, siue vt de certa quantitate, vel summa in singulos annos, aut menses durante societate respondeatur: Statimusque huiusmodi contractus, conventiones, & pactiones vsurarios, & illicitos post hac censeri debere, atque in posterum non licere ijs, qui pecunias, vel animalia, aut alias res in societatem tradent de certo lucro, vt præfertur, percipiendo, inter se pacisci, & concordare, neque etiam siue ad certum, siue ad incertum lucrum conuenierint socios, qui ea recipient, ad sortem seu capitale saluum, & integrum, vbi illud casu fortuito perierit, vel amissum erit, reddendum quouis pacto, aut promissione sibi obligare: Ac ne de cetero societates ineantur sub huiusmodi pactis, & conditionibus, quæ vsurariam prauitatem sapiunt, districte interdiciamus, & prohibemus. Sed potius cuncti nouerint societates huiusmodi, cum in posterum vnus pecuniam, animalia aut, alias res, & bona, alter vero operam, vel industriam confert, pure, sincere & bona fide, sicut decet, iustis, & æquis conditionibus, & pactis, secundum iuris dispositionem, ac sine vlla prorsus fraude palliatione, aut vsuraria prauitatis labe, aut suspitione ineundas, seu contrabendas esse, ita vt non ad certam summam aut quantitatem, ab omni periculo & damno, vt præfertur, immunitatem, lucri nomine persoluendam, neque ad capitales, si casu fortuito perit, restituendum, socius accipiens teneatur. Si vero finita societate ipsum capitale extat, ei qui illud in societatem cõtulerit, restituatur, nisi socio recipienti fuerit communicatum, at aliter inter ipsos contrahentes super eo legitime conuentum sit. Ac præterea ydem contrahentes fructus, expensas, & damna in commune conferant, & prout æquum & iustum fuerit, sibi communicent, atque diuidant. Decernentes se qui contractus, conventiones, & pactiones in futurum contra nostram huiusmodi pro-